

BOSNA I HERCEGOVINA
FEDERACIJA BOSNE I
HERCEGOVINE
ZENIČKO - DOBOJSKI KANTON



Tel. (032) 465 700 – Centrala
465 706 – Predsjednik Suda
465 747 - Sudski registar
465 708 – Sekretar Suda
465 742 – Prekršajno odjeljenje
Fax. (032) 465 705

OPĆINSKI SUD U ZENICI
Trg Bosne i Hercegovine 2

ID: 4218256540002

e-mail: opsudze@bih.net.ba

Broj : 043-0-Su-19-001765
Zenica, 12.02.2020.godine

**IZVJEŠTAJ O RADU OPĆINSKOG SUDA U ZENICI
ZA 2019.GODINU**

Zenica, februar 2020.godine

SADRŽAJ

I - UNUTRAŠNJA ORGANIZACIJA I KADROVSKA OSPOSOBLJENOST SUDA	3
I-A UNUTRAŠNJA ORGANIZACIJA I KADROVSKA OSPOSOBLJENOST SUDA (ORGANIZACIJA ODJELA, BROJ SUDIJA PO ODJELIMA, SISTEMATIZACIJA I POPUNJENOST SUDA, ODSUSTVA SUDIJA)	3
I-B MATERIJALNI STATUS SUDA	6
II- OSTVARENJE NORME U IZVJEŠTAJNOM PERIODU	7
III – OSTVARENI KVALITET RADA I REZULTATI U IZVJEŠTAJNOM PERIODU	8
III-A PROTOK PREDMETA (BROJ RIJEŠENIH PREDMETA U ODNOSU NA PRILIV PO REFERATIMA, POVEĆANJE/SMANJENJE BROJA NERIJEŠENIH PREDMETA, UPOREĐIVANJE PRILIVA I RIJEŠENIH PREDMETA U ODNOSU NA PRETHODNU GODINU)	8
III-B KVALITET RADA (UKUPAN BROJ DONESENH ODLUKA U ODNOSU NA KOJE SE MOŽE ULOŽITI PRAVNI LIJEK, UKUPAN BROJ POTVRĐENIH, PREINAČENIH I UKINUTIH ODLUKA PO PRAVNOM LIJEKU, PODACI O OSTVARENOM KVALITETU ZA NOSIOCE PRAVOSUDNE FUNKCIJE U OPĆINSKOM SUDU U ZENICI)	13
IV-OSTVARENI REZULTATI U RADU NA STARIM PREDMETIMA	16
IV-I TRAJANJE POSTUPKA (PROSJEČNO TRAJANJE POSTUPKA NA SVIM REFERATIMA, REFERATIMA NA KOJIMA SE BILJEŽI PREDUGO TRAJANJE POSTUPKA, OKOLNOSTI KOJE DOVODE DO PRODUŽENJA TRAJANJA POSTUPKA)	17
IV-2 RAZLOZI PROMJENA	19
V-PREDMETI RATNIH ZLOČINA	19
VI-OSTVARENI REZULTATI U RADU NA PREDMETIMA KORUPCIJE I ORGANIZOVANOG KRIMINALA (broj riješenih predmeta, priliv i broj neriješenih predmeta korupcije i organizovanog kriminala)	19
VII-ZASTARE PREDMETA (UKUPAN BROJ PREDMETA U KOJIM JE NASTUPILA ZASTARA U TOKU IZVJEŠTAJNOG PERIODA, KLJUČNI RAZLOZI ZA NASTUPANJE ZASTARJELOSTI, TREND U POGLEDU BROJA ZASTARA U ODNOSU NA 2018.GODINU)	20
VIII-ZAKLJUČNA ZAPAZANJA O RADU SUDA	20
IX-PLANIRANE MJERE ZA POBOLJŠANJE RADA U SUDU	21

I - UNUTRAŠNJA ORGANIZACIJA I KADROVSKA OSPOSOBLJENOST SUDA

I-A UNUTRAŠNJA ORGANIZACIJA I KADROVSKA OSPOSOBLJENOST SUDA (ORGANIZACIJA ODJELA, BROJ SUDIJA PO ODJELIMA, SISTEMATIZACIJA I POPUNJENOST SUDA, ODSUSTVA SUDIJA)

Pravilnikom o unutrašnjoj organizaciji Općinskog suda u Zenici broj : 043-0-SU-10-000 221 od 25.01.2010.godine, Pravilnikom o izmjenama i dopunama Pravilnika o unutrašnjoj organizaciji Općinskog suda u Zenici broj : 043-0-SU-15-000 906 od 20.05.2015.godine, uređena je :

- unutrašnja organizacija Općinskog suda u Zenici i djelokrug rada organizacionih jedinica;
- sistematizacija radnih mjesta sa opisom poslova i radnih zadataka koji se obavljaju u organizacionim jedinicama i na pojedinim radnim mjestima, uslove za obavljanje poslova svakog radnog mjesta, oznaku vrste djelatnosti, grupu i složenost poslova, status zaposlenika, broj izvršilaca na radnim mjestima, status zaposlenika i poziciju radnog mjesta;
- rukovođenje sudom i organizacijskim jedinicama kao i ovlaštenja u rukovođenju i odgovornost za obavljanje poslova;
- kojegij suda;
- ostvarivanje saradnje sa drugim sudovima, tužilaštvima, drugim organima i organizacijama i javnost rada suda;
- programiranje i planiranje rada;
- radni odnosi i disciplinska odgovornost;
- službenici i namještenici sa posebnim ovlaštenjima;
- prijem i status diplomiranih pravnika pripravnika i diplomiranih pravnika-volontera.

Poslovi i zadaci iz nadležnosti Općinskog suda u Zenici obavljaju se u osnovnim organizacionim jedinicama:


- Kabinet predsjednika suda
- Sektor sudija i stručnih saradnika
- Sektor sudske uprave
- ZK ured

U osnovnoj organizacionoj jedinici Sektor sudske uprave osnovane su sljedeće unutrašnje organizacione jedinice:

- Odsjek sudske pisarnice i prijemne kancelarije
- Odsjek za poslove upisa u registar pravnih lica
- Odsjek za opće i računovodstvene poslove
- Odsjek sudskih izvršitelja
- Odsjek sudskih dostavljača
- Pisarnica za CMS predmete
- Pisarnica za izvršne spise
- Grupa asistenata sudija i stručnih saradnika

UNUTRAŠNJA ORGANIZACIJA OPĆINSKOG SUDA U ZENICI – ŠEMATSKI PRIKAZ

PREDSJEDNIK SUDA



Radi ostvarivanja funkcije suđenja i odlučivanja o predmetima iz iste pravne oblasti, praćenja i proučavanja društvenih odnosa, pojava i problema sudske prakse u osnovnoj organizacionoj jedinici Sektor sudija i stručnih saradnika Općinskog suda u Zenici osnovano je 8 (osam) sudskih odjeljenja i to:

- 1) Krivično odjeljenje,
- 2) Parnično odjeljenje,
- 3) Privredno odjeljenje,
- 4) Odjeljenje za stečaj i registracije,
- 5) Izvršno odjeljenje,
- 6) Vanparnično odjeljenje,
- 7) Prekršajno odjeljenje,
- 8) Odjeljenje za maloljetnike .

Prema Pravilniku o unutrašnjoj organizaciji Općinskog suda u Zenici broj : 043-0-SU-10-000 221 od 25.01.2010.godine određeno je da poslove i radne zadatke iz nadležnosti Općinskog suda u Zenici trebaju obavljati predsjednik suda, 28 redovnih sudija, 12 dodatnih sudija, 7 stručnih saradnika, 11 državnih službenika i 132 namještenika.


Međutim, u 2019.godini, kao i prethodnih godina, utvrđena sistematizacija nije bila popunjena u odnosu na utvrđeni broj sudija, jer nikada nije imenovano troje redovnih sudija, pet dodatnih sudija, jedan državni službenik i 21 namještenik tako da je u izvještajnom periodu u ovom sudu poslove i radne zadatke iz nadležnosti suda obavljali : predsjednik suda, 24 redovnih sudija, 7 dodatnih sudija, 6 stručnih saradnika, 10 državnih službenika i 111 namještenika.

Pored dugogodišnje nepotpune kadrovske osposobljenosti iz naprijed navedenih razloga, kako u pogledu broja sudija tako i u pogledu broja državnih službenika i namještenika, Općinski sud u Zenici je bio nedovoljno kadrovski osposobljen u toku 2019.godine i zbog odsustvovanja sudija po drugim osnovama, kako slijedi :

- zbog imenovanja na drugu poziciju u 2019.godine nedostajao je 1 (jedan) sudija 11 (jedanaest) mjeseci, a 1 (jedan) sudija 2 (dva) mjeseca
- zbog imenovanja na drugu poziciju u 2019.godine nedostajao je 1 (jedan) stručni saradnik 12 (dvanaest) mjeseci
- zbog porodiljskog odsustva nedostajao je jedan sudija 12 (dvanaest) mjeseci
- zbog porodiljskog odsustva nedostajao je jedan sudija 12(dvanaest) mjeseci, jedan stručni suradnik 10 (deset) mjeseci, te jedan stručni saradnik 5 (pet) mjeseci,
- zbog bolovanja nije radilo dvoje sudija po 78 (sedamdesetosam) dana, a što je bitno uticalo na ukupne rezultate rada ovog suda.

Prema Rasporedu poslova za 2019.godinu , broj 043-0-Su-19-000055 od 17.01.2019.godine sudije su raspoređene u sudska odjeljenja i određeno je koje predmete će rješavati u 2019.godini , kako slijedi :

Raspored poslova za 2019. godinu



Predmetnim rasporedom poslova gotovo sve sudije, bez obzira kojem sudskom odjeljenju pripadaju bile su zadužene i sa predmetima drugih referata i odjeljenja, dok je u odnosu na SOKOP predmete pored svih 9 sudija izvršnog odjeljenja, na rad po izvršnim predmetima (i izvršnim i komunalnim izvršnim predmetima) raspoređeno još 12 sudija, predsjednik suda i pet stručnih saradnika.¹

Prilog 1.) Raspored poslova za 2019.godinu , broj: 043-0-Su-19-000055 od 17.01.2019.godine

I-B MATERIJALNI STATUS SUDA

Prijedogom budžeta za 2019.godinu Općinski sud u Zenici je kao i prethodnih godina predlagao odobravanje novčanih sredstava za plaće nedostajućih sudija i ostalih sudskih službenika. Budžetom Općinskog suda u Zenici odobrena su sredstva u iznosu od 5.408.800,00 KM, tako da je sud raspolagao novčanim iznosom od 55.840,00 KM za tekuće održavanje zgrade i sudske opreme, za ugovorene usluge sa novčanim iznosom od 221.600,00 KM, za tekuće održavanje sa iznosom od 55.840,00 KM, za nabavku opreme sa iznosom 30.000,00 KM i za putne troškove sa iznosom od 15.000,00 KM, dok je preostali iznos utrošen za plaće i naknade plaća za zaposlenike suda te komunalne usluge.

Općinski sud u Zenici se u izvještajnom periodu racionalno odnosio prema odobrenim budžetskim sredstvima i namjenski trošio predmetna sredstva iz budžeta suda. Međutim, u pogledu izmirenja finansijskih obaveza za branioce po službenoj dužnosti Općinski sud u Zenici nije imao dovoljno budžetskih sredstava, tako da je sud na dan 31.12.2019.godine ostao u obavezi da braniocima po službenoj dužnosti isplati ukupan iznos od 66.073,72 KM.

I dalje su na snazi interne mjere štednje koje su bile na snazi i u izvještajnom periodu, a sve s ciljem uspješnog funkcionisanja Općinskog suda u Zenici sa odobrenim budžetskim sredstvima .

¹ Podaci iz Rasporeda poslova za 2019.godinu , broj 043-0-Su-19-000055 od 17.01.2019.godine

II- OSTVARENJE NORME U IZVJEŠTAJNOM PERIODU

Ostvarena kolektivna norma suda za 2019.godinu iznosi 128,51%, dok je u 2018.godini ostvarena kolektivna norma od 132,18 %.

U izvještajnom periodu prosječnu godišnju normu veću od 100 % ostvarile su sve sudije ovog suda, osim sudije Srećka Kokora koji je sudijsku funkciju obnašao u periodu od 01.01.2019.godine do 31.01.2019.godine, zatim sudije Sanele Popović zbog porodijskog odsustva u periodu od 01.01.2019.godine do 31.12.2019.godine, te stručne saradnice Sandre Aldobašić zbog porodijskog odsustva u periodu od 01.01.2019.godine do 31.12.2019.godine do 31.08.2019.godine.²

Obračun prosječne godišnje norme predsjednika sudskih odjeljenja izvršen je u skladu sa odrednom člana 15. stav 1. tačka a) i b) Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini, pa s obzirom na broj sudija unutar sudskih odjeljenja svi predsjednici sudskih odjeljenja (ukupno 8 predsjednika odjeljenja : sudija Aida Smajiš, sudija Vesna Vujica, sudija Nura Lukić, sudija Smajo Šabić, sudija Alma Bijedić, sudija Amela Bjaramović i sudija Sanja Pavlić) bili su u obavezi da ostvaruju normu (normativ na osnovnom referatu koji rade) unutar mjesec dana, odnosno unutar izvještajnog perioda od 90 %, izuzev predsjednice Izvršnog odjeljenja Mirhunise Hamzić koja je, u izvještajnom periodu, imala obavezu ostvarenja norme od 80 %.

TABELARNI PRIKAZ OSTVARENE ORIJENTACIONE NORME NOSIOCA PRAVOSUDNE FUNKCIJE

Redni broj	NOSIOCI PRAVOSUDNE FUNKCIJE U OPĆINSKOM SUDU U ZENICI U 2019.GODINI	Ukupno ostvarena orijentacijska norma u 2019. godini
1	Dijana Ajanović	150,48%
2	Aida Smajiš	140,42%
3	Alma Bijedić	115,68%
4	Amela Bajramović Softić	130,55%
5	Mirhunisa Hamzić	120,30%
6	Nura Lukić	114,07%
7	Sanja Pavlić	313,39%
8	Smajo Šabić	115,17%
9	Vesna Vujica	136,26%
10	Melisa Kovačević	109,07%
11	Sabrija Agić	138,89%
12	Amela Sinanović	114,12%
13	Samra Spahić Drino	121,77%
14	Belma Kokić	111,71%
15	Edna Mujkanović	103,32%
16	Ivana Baković Jukić	102,28%
17	Jasmina Omanović	107,78%
18	Kanita Kukić	123,63%
19	Lejla Hadžimahmutović	125,19%

² Tabela II a-Ostvarena orijentaciona norma

20	Maja Drino Škandro	106,22%
21	Maja Šuput	105,23%
22	Alma Spahić	110,07%
23	Denis Trifković	116,31%
24	Edvin Kokić	153,51%
25	Marina Šapina	184,92%
26	Miralem Dedić	358,15%
27	Aida Pezer Alić	107,26%
28	Dunja Rojević	101,70%
29	Dženana Brković	139,24%
30	Rankica Jerković	120,35%
31	Nermina Hadžiahmetović	113,25%
32	Armina Mušinović	151,96%
33	Đenita Kurbegović Huseinspahić	123,82%
34	Ivana Bukvić	103,63%
35	Sanjin Mulabegović	100,89%
36	Sandra Aldobašić	26,60%
37	Olivera Križanović	111,96%
38	Sanela Popović	0,00%
39	Srećko Kokor	54,12%
UKUPNO		128,51%

Prilog 2.) Tabela II a-Ostvarena orijentaciona norma -Elektronski obrazac za obračun ostvarene orijentacione norme iz člana 11. Kriterija za ocjenjivanje rada sudija u BiH i člana 8. Kriterija za ocjenjivanje rada predsjednika sudiva u predsjednika sudskih odjeljenja u BiH

III – OSTVARENI KVALITET RADA I REZULTATI U IZVJEŠTAJNOM PERIODU

III-A PROTOK PREDMETA (BROJ RIJEŠENIH PREDMETA U ODNOSU NA PRILIV PO REFERATIMA, POVEĆANJE/SMANJENJE BROJA NERIJEŠENIH PREDMETA, UPOREĐIVANJE PRILIVA I RIJEŠENIH PREDMETA U ODNOSU NA PRETHODNU GODINU)

U Općinskom sudu u Zenici na dan 31.12.2018.godine ostalo je neriješenih 112.174 predmeta, od toga neriješenih 96.052 komunalnih predmeta.³

Općinski sud u Zenici je u izvještajnom periodu zaprimio u rad ukupno 28.714 predmeta, kako slijedi:

- 19.564 CMS predmeta (1.551 predmet više nego u 2018.godini)
- 9.150 komunalnih predmeta (1.111 predmeta manje nego u 2018.godini),

tako da je u radu u 2019.godini bilo ukupno 140.888 predmeta.


³Tabela-Protok predmeta po vrstama i referatima za 2018.godinu i Tabela - Protok predmeta po vrstama i referatima za 2019.godinu

U periodu od 01.01.2019.godine do 31.12.2019.godine Općinski sud je riješio ukupno 36.087 predmeta, kako slijedi :

- 18.623 CMS predmeta (669 predmet manje nego u 2018.godini)
- 17.464 komunalnih predmeta (4.535 predmeta manje nego u 2018.godini),

tako da je na dan 31.12.2019.godine ostalo neriješenih 104.801 predmeta.

Dakle, Općinski sud u Zenici je u izvještajnom periodu riješio ukupno 95,19 % zaprimljenih predmeta iz CMS sistema, dok je u odnosu na komunalne predmete (SOKOP) riješio 190,86% predmeta zaprimljenih u 2019.godini.



BROJ PREDMETA PO REFERATIMA

Općinski sud u Zenici je u izvještajnom periodu zaprimio i riješio predmete po referatima, kako slijedi:

IZVRŠNO ODJELJENJE

Zaprimljeno ukupno 4.173 predmeta, a riješeno je 4.316 predmeta, dakle u Izvršnom odjeljenju ostvaren je procenat riješenih u odnosu na zaprimljene predmete od 103.43%.

KRIVIČNO ODJELJENJE

Zaprimljeno ukupno 2.347 predmeta, a riješeno je 2.261 predmeta, dakle u Krivičnom odjeljenju ostvaren je procenat riješenih u odnosu na zaprimljene predmete od 96.34%.

PARNIČNO ODJELJENJE

Zaprimljeno ukupno 4.261 predmeta, a riješeno je 3.481 predmeta, dakle u Parničnom odjeljenju ostvaren je procenat riješenih u odnosu na zaprimljene predmete od 81.69%.

PREKRŠAJNO ODJELJENJE


Zaprimljeno ukupno 5.357 predmeta, a riješeno je 5.610 predmeta, dakle u Prekršajnom odjeljenju ostvaren je procenat riješenih u odnosu na zaprimljene predmete od 104.72%.

PRIVREDNO ODJELJENJE


Zaprimljeno ukupno 1.538 predmeta, a riješeno je 1.229 predmeta, dakle u Privrednom odjeljenju ostvaren je procenat riješenih u odnosu na zaprimljene predmete od 79.91%.

VANPARNIČNO ODJELJENJE

Zaprimljeno ukupno 1.838 predmeta, a riješeno je 1.680 predmeta, dakle u Privrednom odjeljenju ostvaren je procenat riješenih u odnosu na zaprimljene predmete od 91.40%.



U odnosu na 2018.godinu uočen je samo smanjenje priliva izvršnih predmeta, dok je u odnosu na ostale referate utvrđeno povećanje priliva predmeta, koji prikaz se daje u tabelama koje slijede :



ZEMLJIŠNOKNJIŽNI URED

Djelokrug rada osnovne organizacione jedinice ZK-ured je vršenje poslova utvrđenih Zakonom o zemljišnim knjigama i drugim propisima kojima je regulisana oblast upisa nekretnina, kao i članom 30. Pravilnika o unutrašnjoj organizaciji Općinskog suda u Zenici broj : 043-0-SU-10-000 221 od 25.01.2010.godine.

Na početku izvještajnog perioda ukupan broj neriješenih predmeta u zemljišnoknjižnom uredu Općinskog suda u Zenici iznosio je 4.534 predmeta. Zaprimljeno je ukupno 29.410 predmeta, tako da je u periodu od 01.01.2019.godine do 31.12.2019.godine ukupan broj predmeta u radu Zemljišnoknjižnog ureda iznosio 33.944 predmeta.


Zemljišnoknjižni ured je u izvještajnom periodu riješio ukupno 29.246 predmeta, dakle riješeno je u prosjeku isti broj predmeta koji je i zaprimljen u izvještajnom periodu.

U tabeli koja slijedi daje se prikaz broja neriješenih, primljenih predmeta, ukupan broj predmeta u radu i riješenih predmeta u izvještajnom periodu :

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda	Procentualno riješeni u odnosu na primljene
	I	II	III=I+II	IV	V=III-IV	
Zahtjevi za upis	4413	5565	9978	5450	4528	97.93%
Zahtjevi za ZK izvadke	1	19153	19154	19152	2	99.99%
Zahtjevi za uspostavljanje ZK uložaka	1	0	1	1		
Ostalo (uvjerenja, potvrde i dr.)	119	4692	4811	4643	168	98.96%
Ukupno	4534	29410	33944	29246	4698	99.44%

U odnosu na 2018.godinu povećan je priliv predmeta . Naime u periodu od 01.01.2018.godine do 31.12.2018.godine zaprimljeno je ukupno 27.899 predmeta, dakle 1.511 predmeta manje nego u 2019.godini, kako slijedi :

ZK predmeti	
Dn	4173
Nar	17307
Rz	4754
Kpu	1665
Ostalo	0
Ukupno	27899



Riješeno je 1.301 predmet više nego u 2018.godini, i pored nedostajućeg broja namještenika tokom cijele godine zbog bolovanja, a planiranom promjenom u rasporedu poslova i zk referanata očekuje se još ažurniji rad zk ureda.

U okviru ovog odjeljenja i dalje je u toku Projekat harmonizacije odnosno usklađivanja zemljišnoknjižnog stanja sa katastarskim operatom, a sve na osnovu Sporazuma o zajedničkoj implementaciji aktivnosti na sistemskom ažuriranju podataka o nekretninama između evidencija katastra i zemljišne knjige potpisanog od strane Federalne uprave za geodetske poslove i imovinsko-pravne poslove Sarajevo i ovog suda, koji projekat se uspješno realizuje.

REGISTARSKO ODJELJENJE .

Na početku izvještajnog perioda ukupan broj neriješenih predmeta u Registarskom odjeljenju Općinskog suda u Zenici iznosio je 60 predmeta. Zaprimljeno je ukupno 4.677 predmeta, tako da je u periodu od 01.01.2019.godine do 31.12.2019.godine ukupan broj predmeta u radu iznosio 4.737, i to :

Reg : 1.453 predmeta

RegZ : 3.284 predmeta

Riješeno je 4.704 predmeta i to :


Reg : 1.420,00 predmeta

RegZ : 3.284 predmeta.

Dake, ostalo je neriješeno ukupno 33 predmeta, a Registarsko odjeljenje je ostvarilo procenat rješavanja predmeta u radu od 99,30 %.

U odnosu na prethodnu, 2018.godinu uočen je smanjen priliv predmeta jer je u 2018.godini ukupan broj zaprimljenih predmeta iznosio 4.922, dakle u 2019.godini zaprimljeno je manje 245 predmeta.

U tabelama koje slijede daje se prikaz broja neriješenih, primljenih predmeta, ukupan broj predmeta u radu i riješenih predmeta u izvještajnom periodu, te u periodu od 01.01.2018.godine do 31.12.2018.godine usporedbe radi.



III-B KVALITET RADA (UKUPAN BROJ DONESENIH ODLUKA U ODNOSU NA KOJE SE MOŽE ULOŽITI PRAVNI LIJEK, UKUPAN BROJ POTVRĐENIH, PREINAČENIH I UKINUTIH ODLUKA PO PRAVNOM LIJEKU, PODACI O OSTVARENOM KVALITETU ZA NOSIOCE PRAVOSUDNE FUNKCIJE U OPĆINSKOM SUDU U ZENICI)

Kvalitet sudskih odluka u izvještajnom periodu iznosi 95,86%.

Ukupan broj donesenih odluka u periodu od 01.01.2019.godine do 31.12.2019.godine, na koje se mogao izjaviti pravni lijek je 34.864.

Ukupan broj ožalbenih odluka u izvještajnom periodu je 1028. Broj potvrđenih odluka je 934, broj preinačenih odluka je 41, broj djelimično ukinutih odluka je 4, dok je broj ukinutih odluka iznosio 49.

Prilog 3.) Tabela III-c -Kvalitet sudskih odluka za period 01.01.2019.godine do 31.12.2019.godine

Kvalitet nosilaca pravosudne funkcije ovog suda, prema parametrima VSTV-a, izračunat prema broju ukinutih i preinačenih odluka u odnosu na ukupan broj odluka na koje se može izjaviti žalba po čl. 16. Kriterija za ocjenu rada sudija u BiH, je sljedeći :

U izvještajnom periodu sljedeći nosioci pravosudne funkcije nisu imali ni jednu ukinutu odluku : Alma Bijedić, Amela Bajramović-Softić, Vesna Vujica, Samra Spahić-Drino, Edna Mujkanović, Kanita

Kukić, Maja Drino-Škandro, Rankica Jerković, Miralem Dedić, Ivana Baković-Jukić, Armina Mušinović i Đenita Kurbegović-Huseinspahić.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Aide Smajiš iznosi 6,25 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,58 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Aide Smajiš iznosi 6,25 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,58 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Mirhunise Hamzić iznosi 1,92 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,05 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Nure Lukić iznosi 3,70 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,13 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Smaje Šabića iznosi 8,20 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,68 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Melise Kovačević iznosi 24,24 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 1,01 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Sabrije Agića iznosi 14,71 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,92 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Amele Sinanović iznosi 1,85 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,05 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Belme Kokić iznosi 8,70 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,18 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Jasmine Omanović iznosi 2,44 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,10 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Lejlu Hadžimahmutović iznosi 4,17 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,11 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Meja Šuput iznosi 2,17 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,05 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Almu Spahić iznosi 9,52 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,22 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Denisa Trifkovića iznosi 3,70 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,07 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Edvina Kokića iznosi 3,53 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,17 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Marine Šapina iznosi 7,50 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,37 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Aide Pezer iznosi 3,57 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,09 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Dunje Rojević iznosi 5,41 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,17 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Dženane Brković iznosi 3,13 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,15 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Nermine Hadžiahmetović iznosi 20,00 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,18 %.

Procenat ukinutih odluka u odnosu na ukupan broj potvrđenih, preinačenih i ukinutih odluka stručne saradnice Ivane Bukvić iznosi 13,04 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,47 %.

Procenat ukinutih odluka u odnosu na ukupan broj potvrđenih, preinačenih i ukinutih odluka stručnog saradnika Sanjina Mulabegovića iznosi 12,50 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,13 %.

Sudije Sanja Pavlić, Ivana Baković-Jukić i Miralem Dedić u izvještajnom periodu, odnosno u toku period ocjenjivanja imali su ukupno manje od 10 potvrđenih, preinačenih ili ukinutih odluka vraćenih od suda više instance, tako da se kvalitet odluka tih sudija ocjenjuje u skladu sa članom 18. stav 7. u vezi sa članom 22. stav 2. Kriterija za ocjenjivanje rada sudija u BiH.

Prilog 4.) Tabela III- o kvalitetu sudskih odluka po referatima za period 01.01.2019.- 31.12.2019.g.

Kvalitet je u odnosu na 2018.godine smanjen sa 96,12 % na 95,86 %, dakle za 0,26 %, međutim postignuti kvalitet je rezultat kvalitetnog i temeljitog rada svih nosilaca pravosudne funkcije Općinskog suda u Zenici, kao i redovnog održavanja sjednica sudskih odjeljenja u cilju povećanja efikasnosti i kvalitete sudskih odluka te praćenja i ujednačavanja sudske prakse.

IV-OSTVARENI REZULTATI U RADU NA STARIM PREDMETIMA

Prema planu rješavanja predmeta za 2019.godinu Općinski sud u Zenici je planirao riješiti ukupno 4.855 predmeta. Na dan 31.12.2019.godine riješeno je ukupno 4.609 predmeta, dakle Općinski sud u Zenici je ostvario procenat rješavanja starih predmeta od 94,93 %.

Planom rješavanja predmeta obuhvaćeni su predmeti po sudskih referatima, kako slijedi :

REFERAT	Broj sudija koji su radili na predmetima iz plana na referatu	Predmeti inicirani i 2019.g	Predmeti inicirani i 2018.g	Predmeti inicirani 2017.g - 2016.g	Predmeti inicirani 2015.g- 2012.g	Predmeti inicirani 2011.g- 2007.g	Predmeti inicirani 2006.godine i ranije	Ukupno predmeta u planu
IZVRŠNO	27	0	359	308	204	53	9	933
KRIVIČNO	5	0	306	61	6	0	0	373
PARNIČNO	21	0	867	128	22	10	2	1029
PREKRŠAJNO	5	0	1737	95	0	0	0	1832
PRIVREDNO	20	0	468	76	15	3	0	562
VANPARNIČNO	9	0	83	11	17	13	2	126

U sljedećoj tabeli je prikaz riješenih, neriješenih predmeta iz plana i procent realizacije plana prikazan po starosnim kategorijama i referatima :

REFERAT	Broj sudija koji su radili na predmetima iz plana na referatu	% realizacije plana predmeta iniciranih 2019.g	% realizacije plana predmeta iniciranih 2018.g	% realizacije plana predmeta iniciranih 2017.g - 2016.g	% realizacije plana predmeta iniciranih 2015.g- 2012.g	% realizacije plana predmeta iniciranih 2011.g- 2007.g	% realizacije plana predmeta iniciranih 2006.godine i ranije	% realizacije plana referatu
IZVRŠNO	27	0	94,99 %	91,88 %	85,29 %	88,68 %	88,89%	91,43 %
KRIVIČNO	5	0	93,79 %	86,89 %	83,33 %	0	0	92,49 %
PARNIČNO	21	0	90,89 %	89,84 %	72,73 %	100,00 %	100,00 %	90,48 %
PREKRŠAJNO	5	0	99,37 %	100,00 %	0	0	0	99,40 %
PRIVREDNO	20	0	96,58 %	90,79 %	80,00 %	66,67 %	0	95,20 %
VANPARNIČNO	9	0	100,00 %	81,82 %	100,00 %	100,00 %	100,00 %	98,41 %

Od toga, Općinski sud u Zenici je u izvještajnom periodu ostvario procenat riješenosti najstarijih predmeta iz plana rješavanja predmeta od 96,02 %, kako slijedi :

Ukupno predmeta zatečenih u planu 14	Ukupno predmeta označeno kao nerješivo	Ukupno riješeno u periodu ocjenjivanja	(4) Ukupno riješeno ali izvan perioda ocjenjivanja	Ukupno predmeta koji još nisu riješeni	Procenat realizacije plana = (3) / [(1) - (2)] * 100%
4855	12	4609	28	206	96,02%

U odnosu na 2018.godinu u kojoj je sud uspio svoj Plan rješavanja predmeta iz CMS-a (bez Kom predmeta) od 5.282 predmeta dostići sa 87,22 %, u izvještajnom periodu i sa smanjenim brojem nosilaca pravosudne funkcije Općinski sud u Zenici je ostvario procenat rješavanja predmeta od 94,93 %.

IV-I TRAJANJE POSTUPKA (PROSJEČNO TRAJANJE POSTUPKA NA SVIM REFERATIMA, REFERATIMA NA KOJIMA SE BILJEŽI PREDUGO TRAJANJE POSTUPKA, OKOLNOSTI KOJE DOVODE DO PRODUŽENJA TRAJANJA POSTUPKA)

U izvještajnom periodu u Općinskom sudu u Zenici prosječno trajanje postupka na svim referatima iznosio je 312 dana, a kako je prikazano u sljedećoj tabeli:

	Lica riješeno	Ukupno trajanje (dana)	Broj riješених predmeta	Prosjek (dana)
	20,795	5,819,060	18,623	312
IZVRŠNO	4,467	1,284,050	4,316	298
I - I	1,084	191,81	1,01	190
I - Kom	2,102	870,035	2,095	415
I - R	1	1,988	1	1,988
Ip - Ip	166	18,009	160	113
Ip - Kom	115	30,965	115	269
K - I	19	2,19	19	115
Mal - I	252	61,257	232	264
Mals - Ip	78	8,931	76	118
P - I	247	41,193	221	186
Pr - I	52	3,355	52	65
Ps - Ip	45	4,656	44	106
Rs - I	164	11,076	163	68
V - I	139	38,53	126	306
V - Ip	3	55	2	28
KRIVIČNO	2,384	258,057	2,261	114
K - Iks	204	64,92	204	318
K - K	688	124	527	235

K - Kbs	316	9,402	316	30
K - Kp	6	45	6	8
K - Kpp	170	1,472	369	4
K - Kps	780	54,398	666	82
K - Kv	173	3,161	131	24
K - Mpom	2	123	2	62
K - Pom	1	29	1	29
Km - Km	12	429	9	48
Km - Kmv	6	21	4	5
Km - Kpp	26	57	26	2
PARNIČNO	4,887	881,051	3,481	253
I - Mal	1	69	1	69
Mal - Kom	2,089	494,107	2,004	247
Mal - Mal	465	96,234	406	237
Mal - R	2	3,933	2	1,967
P - Mo	11	1,932	9	215
P - P	2,003	205,048	783	262
P - R	2	3,531	2	****
Rs - Mo	10	239	3	80
Rs - Rs	304	75,958	271	280
PREKRŠAJNO	5,993	2,664,238	5,61	475
Pr - Ips	2,003	2,002,218	1,833	****
Pr - Ipsz	6	652	6	109
Pr - Kv-I	10	173	10	17
Pr - Pls	1,599	33,538	1,593	21
Pr - Pr	2,324	622,753	2,118	294
Pr - Prm	15	2,41	15	161
Pr - Pv	1	5	1	5
Pr - Pvlp	4	90	3	30
Prm - Ipsm	1	38	1	38
Prm - Prm	30	2,361	30	79
PRIVREDNO	1,259	327,428	1,229	266
Ip - Ps	1	5	1	5
L - L	130	28,855	131	220
Mals - Kom	384	93,043	384	242
Mals - Mals	340	70,675	339	208
Mals - R	2	3,149	2	1,575
Ps - Mo	9	1,309	6	218
Ps - Pom	2	198	1	198
Ps - Ps	296	93,807	269	349
Ps - R	2	3,236	2	1,618
St - St	93	33,151	94	353
SUDSKA UPRAVA	59	1,486	46	32
Su - Ap	59	1,486	46	32

VANPARNIČNO	1,746	402,75	1,68	240
O - O	1,42	374,52	1,421	264
Pi - Pi	10	336	10	34
V - V	316	27,894	249	112

Prema prikazanim podacima postupak je najduže trajao u predmetima oznake Mals-R, Mal-R, I-R i Ps-R. Radi se o 7 predmeta u kojim je nakon donošenja odluke otvorena faza R i ne radi se o postupanju u smislu donošenja odluke o tužbenom zahtjevu ili donošenja rješenja po prijedlogu, pa kako je evidentirano prosječno trajanje postupka preko 1500 dana po predmetu, a što nije realan pokazatelj trajanja postupka, to utvrđeno prosječno trajanje postupka u izvještajnom periodu je znatno duži nego što stvarno jeste.

Zbog navedenog je uočena razlika u odnosu na 2018.godinu u kojoj je prosječno trajanje postupka (kada nije bilo predmeta Mals-R, Mal-R, I-R i Ps-R u utvrđenju prosječnog trajanja postupka) bilo 295 dana.

BROJ PREDMETA OBUHVAĆENIH ODLUKOM O PREDVIDIVIM ROKOVIMA

Nadalje, broj neriješenih CMS predmeta obuhvaćenim Odlukom o predvidivim rokovima za 2019.godinu iznosio je 8.191 . Od toga u 7.543 predmeta nije prekoračen predvidivi rok, što predstavlja 92,09% . U 648 predmeta prekoračen je predvidivi rok što predstavlja 7,91% ukupnog broja neriješenih predmeta. U 3.566 predmeta prekoračen je optimalni rok što predstavlja 43,54% ukupnog broja neriješenih predmeta, što je vidljivo iz Izvještaja o poštivanju optimalnih i predvidivih rokova.

Broj riješenih predmeta iznosio je 10.325 , od toga u predvidivom roku riješeno je u predvidivom roku ukupno 8.170 predmeta što predstavlja 79,13 % od ukupno riješenih predmeta, dok je sa prekoračenjem riješeno je 2.155 predmeta. Bitno je naglasiti da je u optimalnom roku riješeno 4.603 predmeta što predstavlja više od polovine od riješenih predmeta u previdivom roku.

IV-2 RAZLOZI PROMJENA

Prikazani podaci ukazuju da je Općinski sud u Zenici ostvario dobre rezultate rada, ako se izuzme ostvarenje kolektivne norme u procentu manjem od 2018.godine što je direktan posljedica nedostajućih nosilaca pravosudne funkcije kako je naprijed detaljnije pojašnjeno, pod tačkom I-UNUTRAŠNJA ORGANIZACIJA I KADROVSKA OSPOSOBLJENOST SUDA.

V-PREDMETI RATNIH ZLOČINA

Općinski sud u Zenici nije nadležan za rješavanje predmeta ratnih zločina.

VI-OSTVARENI REZULTATI U RADU NA PREDMETIMA KORUPCIJE I ORGANIZOVANOG KRIMINALA (broj riješenih

predmeta, prilog i broj neriješenih predmeta korupcije i organizovanog kriminala)

Iz ove oblasti u periodu od 01.01.2019.godine do 31.12.2019.godine Općinski sud u Zenici je zaprimio ukupno bilo je ukupno 24 predmeta korupcije i organizovanog kriminala, kako slijedi :

- zloupotreba položaja: 11 preneseno, primljeno 14 predmeta, riješeno 15, ostalo neriješenih 10,
- krivotvorenje isprave: 1 prenesen, primljen 1, riješena 2, ostalo neriješenih 0,
- odavanje službene tajne: 0,
- nesavjestan rad u službi: 1 prenesen, 3 primljena, 1 riješen, ostalo neriješenih 3,
- ovjeravanje neistinitog sadržaja: 1 prenesen, 0 primljenih, riješeno 0, ostalo neriješenih 1,
- pronevjera u službi: 2 prenesena, primljeno 3, riješeno 4, ostalo neriješenih 1.

VII-ZASTARE PREDMETA (UKUPAN BROJ PREDMETA U KOJIM JE NASTUPILA ZASTARA U TOKU IZVJEŠTAJNOG PERIODA, KLJUČNI RAZLOZI ZA NASTUPANJE ZASTARJELOSTI, TREND U POGLEDU BROJA ZASTARA U ODNOSU NA 2018.GODINU)

U izvještajnom periodu nastupila je zastara u 6 predmeta : 43 0 K 011484 04 K, 43 0 K 011486 00 K 43 0 K 024027 15 K 3, 43 0 K 106531 14 Kps, 43 0 K 109893 14 Kps i 43 0 K 114512 14 Iks.

U predmetima 43 0 K 011484 04 K, 43 0 K 011486 00 K, 43 0 K 024027 15 K 3, 43 0 K 106531 14 Kps, 43 0 K 109893 14 Kps nastupila je apsolutna zastara krivičnog gonjenja zbog nedostupnosti optuženih. U svim predmetima sud je mjerama koje su sudu zakonom dopuštene pokušao obezbijediti prisustvo optuženih, dakle, razlozi za nastupanje zastare nisu subjektivne prirode.

U predmetu 43 0 K 114512 14 Iks nastupila je zastara izvršenja izrečene kazne zatvora zbog nedostupnosti osuđenog. Poduzete svu sve zakonske mjere, izdavanje naredbe za sprovođenje zbog nejavljanja u zatvor, naredbe za raspisivanje centralne potjernice 25.04.2018. godine, dakle razlozi za nastupanje zastare ni u ovom predmetu nisu subjektivne prirode.

Usporedbe radi, u 2018.godini nastupila je zastara u 6 predmeta (četiri apsolutne zastare vođenja postupka i dvije relativne zastare na K- referatu.)

Prilog 5.) Pregled apsolutnih i relativnih zastara u 2019.godini

VIII-ZAKLJUČNA ZAPAZANJA O RADU SUDA

Na osnovu navedenih podataka o radu suda evidentno je da je Općinski sud u Zenici u periodu od 01.01.2019.godine do 31.12.2019.godine ostvario veoma dobre rezultate kako u pogledu kvaliteta rada tako i u pogledu kvantiteta rada, kontinuiranim i dosljednim radom po Planu rješavanja predmeta za 2019.godinu usvojenog Odlukom Općinskog suda u Zenici broj 043-0-Su-18-002029 od 31.01.2019.godine, Projektu SOKOP radi bržeg rješavanja tzv. komunalnih predmeta po vjerodostojnoj ispravi, po redoslijedu starosti komunalnih predmeta iz CMS koji nisu u Planu rješavanja predmeta za 2019.godinu i Programu rada suda za 2019.godinu koji je u gotovo u potpunosti ispunjen.

Pri tome u izvještajnom periodu sudska uprava je osigurala uslove za pravilan rad, uz praćenje ažurnosti rada suda na svim referatima. Uspješno je realizovan program stručnog usavršavanja sudija, državnih službenika i ostalih zaposlenika u organizaciji Centra za edukaciju sudija i tužilaca u Federaciji Bosne i Hercegovine, te Agencije za državnu službu u Federaciji Bosne i Hercegovine.

Zapaženo je održavanje ažurnosti kada je u pitanju rješavanje starih predmeta.

Na osnovu izvještaja iz CMS-a za period od 01.01.-31.12.2019. godine utvrđeno je da su u Općinskom sudu u Zenici evidentirana ukupno 50 SuAp predmeta, od kojih su : 36 zahtjeva za izjašnjenja na apelaciju i 14 Odluka Ustavnog suda po apelacijama. Od 14 Odluka Ustavnog suda : 10 apelacija je odbijeno kao neosnovane, 1 apelacija odbačena kao nedopuštena, 2 apelacije usvojene , 1 apelacija djelimično usvojena . U navedenim predmetima nije zaprimljena niti jedna Odluka Ustavnog suda BiH kojom se ovom sudu nalaže da okonča predmet bez odlaganja zbog kršenja prava na donošenje odluke u razumnom roku niti je je određena naknada nematerijalne štete zbog kršenja prava na donošenje odluke u razumnom roku.

U izvještajnom periodu Visoko sudsko i tužilačko vijeće je pružilo Općinskom sudu u Zenici punu podršku u cilju ostvarivanja nezavisnog i nepristrasnog pravosuđa, posebno osiguranjem implementacije projekta PUEP I, kojim je predviđeno proširenje Općinskog suda u Zenici za cca.2400 m2 izgradnjom aneksa zgrade kao i rekonstrukcija prizemlja i dijela suterena postojeće zgrade. Realizacija projekta očekuje se u toku 2020./2021.godine, uz materijalnu podršku i Ministarstva za pravosuđe i upravu Zeničko-dobojskog kantona koje je u izvještajnom periodu pružilo materijalnu podršku za nesmetan rad ovog suda.

Općinski sud u Zenici je u izvještajnom periodu učestvovao u implementaciji II faze Projekta " unapređenje kvaliteta pravosuđa ", a sve u cilju ujednačavanja sudske prakse, i unapređenja efikasnog i pravičnog postupanja u građanskom postupku, tako da su donesene Smjernice za postupanje u prvostepenom parničnom postupku u skladu sa sudskom praksom i zauzetim stavovima Parničnog odjeljenja Općinskog suda u Zenici i Građanskog odjeljenja Kantonalnog suda u Zenici. Pored aktivnosti provedenih u implementaciji navedenog projekta i saradnje sa neposredno višim , Kantonalnim sudom u Zenici, u toku cijele 2019.godine ostvarena je izuzetno dobra saradnja . Povodom donesenih predmetnih smjernica dana 29.11.2019.godine zaključen je i Memorandum o saradnji Kantonalnog suda u Zenici i Općinskog suda u Zenici, s kranjim ciljem a to je pravna sigurnost, uz maksimalno očuvanje nezavisnosti u radu oba suda i sudija.

IX-PLANIRANE MJERE ZA POBOLJŠANJE RADA U SUDU

Za poboljšanje stanja u sudu prije svega poduzet će se aktivnosti u cilju imenovanja nosilaca pravosudne funkcije prema Pravilnika o unutrašnjoj organizaciji Općinskog suda u Zenici broj : 043-0-SU-10-000 221 od 25.01.2010.godine , kao i popunjavanja upražnjenih mjesta, s obzirom na očekivano proširenje zgrade suda.

Planira se postizanje strateških ciljeva utvrđenih Programom rada suda broj 043-0-Su-19-001810 od 27.12.2019.godine koji se odnose na sljedeće :

- Unapređenje efikasnosti rada provođenjem sljedećih planiranih mjera i aktivnosti :

Aktivnosti na smanjenju broja i starosti neriješenih predmeta iz Plana rješavanja predmeta, dosljedno poštivanje plana rješavanja predmeta prema redoslijedu starosti inicijalnog akta odnosno uzimanja u rad najstarijih predmeta iz plana . Realizacija ove mjere vršit će se na način što će predsjednik suda i predsjednici sudskih odjeljenja vršiti kontinuirani nadzor poštivanja realizacije plana rješavanja

predmeta prema starosti inicijalnog akta, na način da sudije na kraju svakog mjeseca odnosno zbirno na kraju svakog tromjesečja dostavljaju predsjedniku odjeljenja izvještaj o realizaciji plana rješavanja starih predmeta koji će sadržavati ukupan broj predmeta iz plana po godini starosti inicijalnog akta, broj riješenih predmeta, a posebno obrazloženje za svaki neuradeni predmet iz plana iako je taj predmet bio na redoslijedu rješavanja te mjere koje će poduzeti za svaki neuradeni (preskočeni) predmet okonča.

Aktivnosti na preraspodjeli izvršnih komunalnih spisa sudijama Izvršnog odjeljenja i stručnim saradnicima, čime se planira znatno povećanje broja riješenih tih predmeta jer će sudije izvršnog odjeljenja postupati u predmetima koji se odnose na odjeljenje u koje su raspoređene, uz minimalno postupanje po već ranije zaduženim predmetima drugih referata. Istovremeno, naprijed navedenim načinom preraspodjele SOKOP predmeta , sudijama raspoređenim u druga sudska odjeljenja omogućiti će se dodatno vrijeme za rad na predmetima iz oblasti svog odjeljenja.

Nadalje, planira se ostvarenje većeg ostvarenja kolektivne norme na Privrednom odjeljenju koje je u izvještajnom periodu ostvarilo kolektivnu normu od 46,02 %, zbog čega je početkom 2020.godine ukinuto Odjeljenje za stečajeve i registracije, prvenstveno jer su sudije i Privrednog odjeljenja rješavale predmete tog odjeljenja, da su do donošenja odluke održavane zajedničke sjednice oba odjeljenja u istom terminu, što je ukazalo na nesvrishodnost postojanja oba odjeljenja iz iste pravne oblasti.

Planirana obaveza šefa zemljišnoknjižnog ureda da predsjedniku suda dostavlja mjesečne izvještaje o broju neriješenih i riješenih predmeta, do desetog u mjesecu za prethodni mjesec.

Organizovanje unutrašnjeg poslovanja od strane sudske uprave u sudu na način da se poslovi obavljaju zakonito, blagovremeno i uredno, kako i osiguravanje uvjeta za rad sudija, stručnih saradnika i ostalih zaposlenika suda.

- Unapređenje kvaliteta rada provođenjem sljedećih planiranih mjera i aktivnosti :

Donesenim Godišnjim Raposredom poslova suda za 2020.godinu osigurava se puna efikasnost u izvršavanju radnih zadataka sudija i drugih zaposlenika u sudu, uz obavezno raspoređivanje sudija na rad po predmetima iste vrste, radi specijalizacije sudija.

Aktivnosti na preraspodjeli predmeta na način da sudije zadužuju predmete koji se odnose na odjeljenje u koji su raspoređene.

Održavanjem redovnih sjednica sudskih odjeljenja, jednom mjesečno, radi postizanja što boljeg kvaliteta rada, ujednačavanja sudske prakse i pravilne primjene zakona.

Izvještaj se dostavlja:

- 1.VSTV- na e-mail:vstvstatistika@pravosudje.ba
- 2.Ministarstvu za pravosuđe i upravu ZDK
- 3.Kantonalnom sudu u Zenici
4. Ombudsmenu BiH



PREDSJEDNICA SUDA

Dženana Brković
Dženana Brković